

TUARASCÁIL AN INIÚCHÓRA NEAMHSPLEÁIGH DO CHOMHALTAÍ UISCE ÉIREANN

Tuarascáil ar iniúchadh na ráiteas airgeadais

Tuairim ar ráitis airgeadais Uisce Éireann (“an chuideachta”)

Inár dtuairim tugann na ráitis airgeadais:

- léargas fíor agus cóir ar shócmhainní, ar dhliteanais agus ar staid airgeadais na cuideachta an 31 Nollaig 2024 agus ar an mbrabús don bhliain airgeadais dar críoch sin; agus
- ullmháíodh iad i gceart i gcomhréir leis an gcreat tuairiscithe airgeadais ábhartha agus, go háirithe le ceanglais Acht na gCuideachtaí, 2014.

Is éard atá sna ráitis airgeadais ná:

- an Ráiteas Ioncaim;
- an Ráiteas Ioncaim Chuimsithigh Eile;
- an Clár Comhardaithe;
- Ráiteas ar Athruithe ar an gCothromas;
- an Ráiteas ar Shreafaí Airgid; agus
- na nótaí lena mbaineann 1 go dtí 27, lena n-áirítear faisnéis ábhartha maidir le beartas cuntasáochta mar atá leagtha amach i nóta 1.

Is é an creat tuairiscithe airgeadais ábhartha a cuireadh i bhfeidhm chun iad a ullmhú ná Acht na gCuideachtaí 2014 agus Caighdeán Chuntasaíochta CITA de réir mar a eisíodh ag an mBord um Chaighdeán Idirnáisiúnta Chuntasaíochta (IASB) agus mar a glacadh ag an Aontas Eorpach (“an creat tuairiscithe airgeadais ábhartha”).

Bunús le tuairim

Rinneamar ár n-iniúcháireacht i gcomhréir le Caighdeán Idirnáisiúnta Iniúcháireachta (Éire) (ISAnna (Éire)) agus leis an dlí is infheidhme. Tá cur síos déanta ar ár bhfreagrachtaí faoi réir na gcaighdeán sin sa chuid *“Freagrachtaí an iniúchára maidir le hiniúchadh ar na ráitis airgeadais”* dár dtuarascáil.

Táimid neamhspleách ar an gcuideachta i gcomhréir leis na ceanglais eitice a bhaineann lenár n-iniúchadh ar na ráitis airgeadais in Éirinn, lena n-áirítear an Caighdeán Eitice eisithe ag Údarás Maoirseachta Iniúchta agus Cuntasaíochta na hÉireann, agus tá ár gcuid freagrachtaí eiticiúla eile comhlíonta againn i gcomhréir leis na ceanglais sin. Creidimid go bhfuil an fhianaise iniúchta a fuaireamar leordhóthanach agus cuí chun bonn a chur faoinár dtuairim.

Tátail a bhaineann le gnóthas leantach

Agus iniúchadh á dhéanamh againn ar na ráitis airgeadais, bhaineamar de thátal as go bhfuil na Stiúrthóirí ag baint úsáid as bunús cuntasáochta an ghnóthais leantaigh in ullmhú na ráiteas airgeadais ar bhealach cuí.

Bunaithe ar an obair atá déanta againn go dtí seo, níor shainaithníomar aon éiginnteacht ábhartha a bhaineann le teagmhais nó le dálaí a d’fhéadfadh, ina n-aonar nó i dteannta a chéile, amhras suntasach a chaitheamh ar chumas na cuideachta leanúint ar aghaidh mar ghnóthas leantach ar feadh tréimhse dhá mhí dhéag ar a laghad ón uair a údaraítear na ráitis airgeadais lena n-eisiúint.

Tá cur síos déanta sna codanna ábhartha den tuarascáil seo ar ár bhfreagrachtaí féin agus ar fhreagrachtaí na Stiúrthóirí i dtaobh an ghnóthais leantaigh.

Faisnéis eile

Is éard atá san fhaisnéis eile ná faisnéis a áirítear sa Tuarascáil Bhliantúil agus sna Ráitis Airgeadais Iniúchta, diomaite de na ráitis airgeadais agus tuarascáil ár n-iniúchára ina dtaobh. Tá na Stiúrthóirí freagrach as an bhfaisnéis eile atá sa Tuarascáil Bhliantúil agus sna Ráitis Airgeadais Iniúchta. Ní chumhdaíonn ár dtuairim ar na ráitis airgeadais an fhaisnéis eile agus ní chuirimid in iúl cineál ar bith de thátal dearbhaithé uirthi, ach amháin má luaitear a mhalairt go soiléir inár dtuarascáil.

Ar leanúint ar an gcéad leathanach eile/

TUARASCÁIL AN INIÚCHÓRA NEAMHSPLÉÁIGH DO CHOMHALTAÍ UISCE ÉIREANN

Is é an fhreagracht atá orainn an fhaisnéis eile a léamh agus, ag déanamh amhlaidh, a mheas an bhfuil an fhaisnéis eile neamhréir go hábharach leis na ráitis airgeadais nó leis an bhfaisnéis a fuarthas san iniúcháireacht nó an ndearnadh an fhaisnéis a mhíshonrú go hábharach ar aon bhealach eile. Má shainaithnímid neamhréireachtaí ábhartha nó míshonruithe ábharacha follasacha mar sin, tá sé de cheanglas orainn a dheimhniú an ndearnadh an fhaisnéis a mhíshonrú go hábharach sna ráitis airgeadais nó an ndearnadh an fhaisnéis eile a mhíshonrú. Más rud é, bunaithe ar an obair atá déanta againn, go gcinnimid gur tugadh míshonrú ábhartha den fhaisnéis eile sin, caithfidimid é sin a thuairisciú.

Níl aon rud le tuairisciú againn maidir leis sin.

Freagrachtaí na Stiúrthóirí

Mar a míníodh i Ráiteas Fhreagrachtaí na Stiúrthóirí, tá na Stiúrthóirí freagrach as na ráitis airgeadais a ullmhú agus as a bheith sásta go dtugann siad léargas fíor agus cothrom agus go gcomhlíonann siad i ngach bealach eile Acht na gCuideachtaí 2014, agus tá siad freagrach as cibé rialú inmheánach a chinneann siad is gá a chur i bhfeidhm ionas gur féidir ráitis airgeadais a ullmhú atá saor ó mhíshonrú ábhartha, cibé an de bharr calaoise nó earráid atá sé.

Agus na ráitis airgeadais á n-ullmhú, tá na Stiúrthóirí freagrach as measúnú a dhéanamh ar chumas na cuideachta leanúint ar aghaidh mar ghnóthas leantach, agus a nochtadh, de réir mar is infheidhme, ábhair a bhaineann le gnóthas leantach agus úsáid a bhaint as bonn an ghnóthais leantaigh don chuntasaíocht ach amháin má tá sé beartaithe ag na Stiúrthóirí an chuideachta a leachtú nó scor d'oiriúcháin, nó mura bhfuil aon rogha réalaíoch eile acu ach é sin a dhéanamh.

Freagrachtaí an iniúcháora as an iniúcháireacht ar na ráitis airgeadais

Is iad ár gcuspóirí ná dearbhú réasúnta a fháil faoi cibé acu an bhfuil na ráitis airgeadais ar an iomlán saor ó mhíshonrú ábhartha, mar gheall ar chalaois nó ar earráid, agus tuarascáil iniúcháora a eisiúint lenár dtuairim san áireamh. Is ionann ráthaíocht réasúnta agus leibhéal ard ráthaíochta, ach ní hionann í agus ráthaíocht a thabhairt go ndéanfaidh iniúchadh a dhéantar i gcomhréir leis na Caighdeáin Idirnáisiúnta ar Iniúcháireacht (Éire) gach míshonrú dá bhfuil ann a bhrath i gcónaí. Féadann míshonruithe eascairt as calaois nó earráid agus meastar go bhfuil siad ábhartha más rud é, ina n-aonar nó le chéile, go bhféadfadh tionchar a bheith acu ar chinntí eacnamaíochta na n-úsáideoirí a ghlahtar ar bhonn na ráiteas airgeadais seo.

Tá tuilleadh mínithe dár bhfreagrachtaí le haghaidh an iniúchta ar na ráitis airgeadais lonnaithe ar shuíomh gréasáin IAASA ag: <https://iaasa.ie/publications/description-of-the-auditors-responsibilities-for-the-audit-of-the-financial-statements>. Tá an míniú mar cuid de thuarascáil ár n-iniúcháirí.

Tuarascáil ar cheanglais dhlíthiúla agus rialála eile

Tuairim faoi ábhair eile arna bhforordú ag Acht na gCuideachtaí 2014

Bunaithe ar an obair ar tugadh fúithi le linn na hiniúcháireachta, agus uirthi sin amháin, tugaimid tuairisc:

- Go bhfuil an fhaisnéis agus na míniúcháin ar fad faighte againn a mheasaimid a bheith riachtanach chun críocha an iniúchta againn.
- Dar linn gur leor taifid chuntasaíochta na cuideachta chun iniúchadh réidh agus ceart a dhéanamh ar na ráitis airgeadais.
- Tá na ráitis airgeadais ag teacht leis na taifid chuntasaíochta.
- Inár dtuairim tá an fhaisnéis atá tugtha i dtuarascáil na Stiúrthóirí i gcomhréir leis na ráitis airgeadais.
- Inár dtuairim, maidir leis na codanna sin de thuarascáil na Stiúrthóirí a bhí sonraithe le hathbhreithniú againn, nach bhfuil tuairisciú ar inbhuanaitheacht san áireamh leo nuair a éilítear é sin ag Cuid 28 d'Acht na gCuideachtaí 2014, ullmhaíodh iad i gcomhréir le hAcht na gCuideachtaí 2014.

Ábhair a bhfuil sé de dhualgas orainn iad a thuairisciú mar eisceacht

Bunaithe ar eolas agus tuiscint ar an gcuideachta agus a timpeallacht a fuarthas le linn an iniúchta, níl aon mhíshonrú ábhartha aitheanta againn i dtuarascáil na Stiúrthóirí.

Níl aon rud le tuairisciú againn maidir le forálacha Acht na gCuideachtaí 2014, lena n-éilítear orainn a thuairisciú duit mura ndearnadh luach saothair agus idirbhearta na Stiúrthóirí a nochtadh mar atá sonraithe de réir an dlí, inár dtuairimí.

TUARASCÁIL AN INIÚCHÓRA NEAMHSPLÉÁIGH DO CHOMHALTAÍ UISCE ÉIREANN

Faoin gCód Cleachtais chun Comhlachtaí Stáit a Rialú (Lúnasa 2016) (mar a leasaíodh) (an “Cód Cleachtais”), éilítear orainn a thuairisciú duit mura léiríonn an ráiteas maidir le córas an rialaithe inmheánaigh atá riachtanach faoin gCód Cleachtais, mar atá curtha san áireamh sa Ráiteas ar Rialachas Corparáideach i dTuarascáil an Bhoird go bhfuil an chuideachta ag cloí le mír 1.9(iv) den Chód Cleachtais nó mura bhfuil an ráiteas ag teacht leis an bhfaisnéis atá ar eolas againn mar thoradh ar ár n-obair iniúchta ar na ráitis airgeadais. Níl aon rud le tuairisciú againn maidir leis sin.

Ár dtuarascáil a úsáid

Déantar an tuarascáil seo ar mhaithe le comhaltaí na cuideachta mar chomhlacht, i gcomhréir le hAlt 391 d’Acht na gCuideachtaí, 2014. Tá ár gcuid oibre iniúcháireachta déanta againn ionas gur féidir linn na hábhair is gá dúinn a dhearbhu do chomhaltaí na cuideachta a dhearbhu i dtuarascáil iniúchára agus gan aon chuspóir ar bith eile a bheith i gceist. Chomh fada is atá ceadaithe de réir an dlí, ní ghlacaimid le freagracht do dhuine ar bith seachas an chuideachta agus comhaltaí na cuideachta mar chomhlacht, as ár n-obair iniúcháireachta, as an tuarascáil seo, ná as na tuairimí atá meáite againn.

Kevin Sheehan

Ar son agus thar ceann Deloitte Ireland LLP
Cuntasóirí Cairte agus Gnólacht Iniúcháireachta Reachtúla
Áras Deloitte & Touche, 29 Ardán Phort an Iarla, Baile Átha Cliath 2

30 Aibreán 2025